

古今姓氏書辨證

附校
勘記

一





古今姓氏書辨證

附校勘記

(一)

鄧名世撰

四庫全書提要

古今姓氏書辯證四十卷。宋鄧名世撰。而其子椿哀次之。名世字元亞。臨川人。祖孝甫。見宋史隱逸傳。卽原序所稱文昌先生者是也。椿有畫繼。已著錄。李心傳繫年要錄稱。紹興三年十月。詔撫州進士鄧名世赴行在。以御史劉大中薦也。四年三月乙亥。上此書時。吏部尙書胡松年。以其貫穿羣書。用心刻苦。遂引對。命爲右迪功郎。王應麟玉海所載亦同。惟言名世初以草澤得名。上書後始詔賜出身。充史館校勘。朱子語類又謂其以趙汝愚薦。以白衣起爲著作郎。後忤秦檜。勒停。均與心傳所記不同。則未詳孰是耳。文獻通考。宋藝文志。俱作四十卷。惟宋會要作十四卷。中興書目作十二卷。殆傳寫之訛。其書長於辨論。大抵以左傳國語爲主。自風俗通以下。各采其是者從之。而於元和姓纂。挾摘獨詳。又以熙寧姓纂。宋百官公卿家譜二書。互爲參校。亦往往足補史傳之闕。蓋始於政宣。而成於紹興之中年。父子相繼。以就是編。故較他姓氏書特爲精核。朱子語類謂名世學甚博。姓氏一部。考證甚詳。不虛也。後椿作畫繼。亦號賅洽。殆承其討論之餘緒乎。宋時紹興有刊本。今已散佚。永樂大典散附千家姓下。已非舊第。惟考王應麟所引原序。稱始於國姓。餘分四聲。則其體例與元和姓纂相同。今亦以韻隸姓重爲編輯。仍釐爲四十卷。目錄二卷。其複姓則以首字爲主。附見於各

原序二首

天下有不可不學者。有終身不必學者。道德仁義。君子之所學也。詩書禮樂。君子之所學也。天文地理。陰陽卜筮之書。雖不可不學。亦不必學。知之則近於星翁歷官。不知不害爲君子。然而君子之於天下。所以恥一物之不知者。誠亦有用焉爾。是故學者必自致知格物始。一物不格焉。非所謂善學也。古之君子所以大過人者。無他焉。下學而上達。無理事精粗之別而已。若夫姓氏之書。是亦君子之所不可不學也。何則。因生賜姓。胙土受氏。其來尙矣。世次旣遠。茫昧愴恍。幾若不可窮究。然而以今觀往古。古亦猶今也。以古觀後世。今亦猶古也。吾心造太極。太極造天地。古亦非今。○案。此句上下俱當有脫文。皆自我而觀之。何物不可

知。何事不可學。何道不可備。而況於天文地理乎。而況於姓氏之書乎。棐。總角讀書。旁搜博採。實有志於此。而學校驅之。科舉汨之。志卒不遂。爲之長太息者屢矣。臨川鄧氏元亞。以絕人之資。邁往之氣。於書無所不觀。於事無所不學。自幼挾策。一覽無遺。以故淹通文史。馳騁貫穿。上下數千載間。猶滄溟巨浸。不可涯涘。詩書之外。尤深於春秋論議。反覆皆有證據。疊疊可聽。使人忘倦。又推其餘力。作古今姓氏書辯證。數百十萬言。參訂得失。無一字無來處。是誠古人之用心也。一日攜以過棐。俾爲序冠。諸編首。棐曰。此書已成一家言矣。尙何待不腆之文。表見於世。愧非肉譜。不得是正。姑論其不可不學者。書於卷末。元亞文

昌先生之孫。舊名命世。業爲更其一字曰名世云。宣和六年閏三月二十七日。武陽高業書。

先君太史公。生平留意姓氏之學。雖飲食夢寐弗置也。尤喜稱道名公卿大夫家人物之盛。勳業之懿。以詔子弟。故古今姓氏書辯證凡三本焉。其五卷者。成書於宣政之間。時諱學史。方貧賤中。無書檢閱。闕文甚多。其十四卷者。後稍銓次增補之。蓋成書於建炎之初。是時晦迹窮山。攜幼避地無虛辰。昨給禮上于法宮者是也。然居懷未滿之意。其後蒙恩。備數太史之屬者八年。始盡得銓曹。命官脚色冊。烏府班簿。櫛括次序之。稍稍備矣。紹興辛酉冬。放歸山樊。家書稍備。會韓衢州美成。同寓臨川。借其家藏熙寧姓纂。宋百官公卿家譜。稽考參訂之。及將易簣。謂椿年曰。姓氏未成全書。死不瞑目。椿年泣。奉以周旋。罔敢失墜。旣卒。哭。奉門人吳曾狀如浮梁。乞銘于侍讀尙書程公。公見椿年慟哭。首問遺書手澤所在。椿年具以實對。公歎曰。子能嗣先君之志。吾亡友有子。可賀。門戶其庶幾乎。別未數月。又以書來趣曰。子讀禮之暇。不宜墜先志。姓氏宜亟成書。遷延歲月。則編彙倒亂。難記憶矣。宜速俾老夫一觀。椿年旣得是語。乃盡哀手澤。遺編斷藁。又取宋名公文集。行狀。墓志。訂證次序之。釐爲四十卷。卽此本也。椿年孤陋寡聞。貧病不偶。幸不墜先志者。尙書公賜也。謹再拜書諸卷末。以告當代好古博雅君子焉。乾道四年三月朔。牛馬走椿年謹書。

序曰。春秋時善論姓氏者。魯有衆仲。晉有胥臣。鄭有行人子羽。皆能探討本源。自炎黃而下。如指諸掌。

專取左氏國語爲主，參以五經子史之文。自風俗通以來，如姓苑、百家譜、姓纂凡有所長，盡用其說。穿鑿訛謬，必辨駁之。始於國姓，餘分四聲，終於漢姓、蕃姓、補遺，凡四十卷。復以熙寧姓纂、皇朝百官公卿家譜參訂。書始於政宣，而成於紹興之中年。名世子椿年，哀集次序之，其書始備。唐宰相表九十三族，至鍾陳韓高之氏，亦有訛舛。姓纂稍能是正數十條，而齊秦之屬，亦所未暇。至鈕邱茅夷，指爲複姓，又不勝其謬矣。

○案·今本闕原序·以上据玉海五十條補·

古今姓氏書辯證目錄卷一

上平聲

一東

東同 桐 蟲 沖 終 衆 崇 嵩 娥 戎 莪 弓 宮 融 彤 熊 馮 瓦
風 風 豐 鄩 倬 充 公 功 蒙 紅 鴻 叢 翁 颺 蓬

東郭 東里 東宮 東門 東陵 東關 東方 東閭 東鄉 東陽 東丹 東野 東

萊 同蹄 同官 桐里 桐門 銅鞮 中行 中央 中英 中梁 中叔 中壘 終葵

終古 戎子 弓里 宮孫 熊相 熊率 空桐 空桑 空相 公治 公乘 公孫

公西 公叔 公子 公羊 公析 公劉 公肩 公牛 公師 公旗 公右 公巫 公

仲 公櫛 公族 公孟 公他 公玉 公泥 公棊 公舌 公帥 公甲 公明 公斂

公上 公山 公罔 公齊 公牽 公仇 公幹 公之 公勝 公城 公若 公緒

公儀 公皙 公輸 公正 公思 公襄 公戶 公慎 公房 公車 公言 公金 公

獻 公息 公留 公朱 公旅 公冉 工師 工婁 紅陽 醜夷

二冬

冬 佟 儂 宗

彤魚 宗伯 宗正

三鍾

鍾 龍 庸 雍 重 從 蹤 樅 恭 龔 共

鍾離 鍾吾 龍正 封人 封父 雍人 雍正 逢公 逢孫 逢侯 逢正

四江

江 雁 邦 龐 逢

五支

支 移 爲 媯 隨 奇 岐 義 宜 儀 皮 蕃 兒 離 驪 營 卑 裨 諱

郭 施 彌 池 畦 危

支離 蛇正 隨巢 奇斤 戲陽 崎正 營陳 施屠 斯引 彌且 彌牟

六脂

脂 夷 師 資 飢 茨 尸 耆 伊 昃 追 惟 遺 纍 嫫 夔 駘 誰

夷陽 夷門 師宜 師延 毗沙 鴟夷 茨芑 祁夜 伊耆 伊力 葵丱
七之

台 時 思 其 元 期 旗 綦 斬 詩 彤 棋 姬 箕 蓋 狸 僖 嬉 熙
治 蚩 慈 茲 荏

司馬 司城 司空 司寇 司鴻 期思 綦連 釐子 溜丱 茲母

八微

賁

沂相

九魚

漁陽

十虞

厨人 邾婁

十一模

瓠

孤竹 徒人 徒何 菟裘 菟賴

十二齊

齊 阬 提 奚 郟 兒 犀 梯 泥 鮭 注 哇 蜀 毒 璽 倭

西周 西郭 西方 西河 西乞 西陵 西樓 西門 西宮 西王 西鄉 西都 西

閭 西素

奚計盧

十三佳

媧 柴 娃

鮭陽

十四皆

懷 淮

十五灰

悝 回 槐 枚 梅 雷 頽 崔 裴 栝

十六咍

哀來萊邾檣台邨數

十七眞

眞甄因闐新辛辰仁人申鄰鱗陳秦蟻邠

眞人因孫新垣新孫新和辛廖申公申叔申鮮申章申屠

十八諄

荀郇淳倫

淳于

十九臻

莘璉詵

二十文

文雲妘云邳員君軍芬紛

聞人軍車

二十一欣

訢勤

勤宿

二十二元

元 原 袁 爰 垣 轅 槓 樊 言

原伯 原仲 軒轅 軒正

二十三魂

渾 昆 溫 門 孫 敦 倕 盆 賁

昆吾 溫稽 孫陽 屯渾 奔水

二十四痕

恩

根牟 根水

二十五寒

寒 韓 單 丹 安 難 但 邗 蘭 刊

韓餘 韓侯 韓褐 邯鄲 安正 安國 安陵 安是 安都 安遲 蘭喬

二十六桓

桓官觀冠樂謹數滿潘草
完顏

二十七刪

關環班疊顏

關龍駢臂

二十八山

山間箇矚

下平聲

一先

先阡天賢弦燕田顛牽淵邊縣

先穀先賢千乘涓濁

二仙

鮮錢然延連偏便綿全泉宜翺船顛歇員虔窩權

拳鄢媯

鮮于 鮮陽 鮮虞 延陵 延州 宣于 顯臾 顯孫 顯頊 蠻鞬 焉耆

三蕭

蕭 貂 刁 凋 條 調 聊 遼 堯 鄒

四宵

蛸 朝 晁 朝 翬 譙 焦 椒 饒 徭 繇 繇 姚 搖 韶 昭 招 苗 要

喬 橋 僑

朝臣 昭涉 昭武

僑陳如

五肴

洩 巢 茅 包 苞 廩

茅夷

六豪

高 皐 勞 牢 毛 褒 陶 桃 敖 曹

皐落 饗餐 陶正 陶叔 曹牟 曹正

七歌

柯多 佗 羅那 何阿

柯祗 多蘭 羅侯 何奈 荷營 阿跌 阿熱 阿每 阿那 阿賀 阿伏

多覽葛 佗駱拔 阿伏千 阿鹿桓 阿史那 阿史德 阿逸多 阿鹿瓜

八戈

戈過 繁番 和禾 科

婆衍 磨離 波斯 和拔 和稽

九麻

車蛇 瓜花 家瑕 巴沙 牙衙 茶余 杷查 檀

車非 車焜 車遽 車成 蛇工 華原 霞露 瑕工 瑕呂 沙陀 沙吃 余工

十陽

陽楊 揚羊 洋良 涼香 鄉商 房防 方章 昌羌 姜長 張

襄相 將莊 嘗常 霜匡 王芳 狂

陽成 陽工 楊孫 羊舌 羊角 梁垣 梁餘 梁于 梁石 商工 商密 房當 防

風 章仇 羌憲 羌工 羌師 長勺 長盧 長魚 長狄 長吾 相里 將閔 將軍

將梁 將其 王史 王孫 王叔 王官 王子 王人

十一唐

唐 棠 郎 琅 狼 倉 蒼 剛 桑 喪 康 荒 鄺 黃 皇 湯 汪 芒 咸

囊 印

唐 溪 唐山 唐孫 堂邑 棠谿 當塗 蒼林 桑工 桑扈 皇甫 皇子 湯滂 咸

會 臧文

十二庚

更 彭 英 平 荆 明 鳴 榮 卿 鯨 行 衡

彭祖 平林 平寧 平陵 京城 京相 榮錡 榮叔 行人

十三耕

閔 旬 萌

十四清

清 羸 鄧 營 嬰 成 邨 程 并

精縱 嬰齊 成公 成陽 并官

十五青

青 經 邢 涇 丁 星 靈 冷 冷 冥 緺

青史 青陽 青牛 青烏 經孫 邢莫 形成 涇陽 丁若 冷淪 冷州

十六蒸

承 陵 凌 應 乘 勝 仍 徵 繪 鄆

陵陽 勝屠

十七登

登 曾 備 弘 滕

滕叔

十八尤

郵 鄧 劉 留 樛 秋 猷 游 遊 牛 脩 周 州 舟 攀 正 鄒 聊 騶

稠 裘 仇 求 牟

取慮 由吾 由余 游梓 游水 游棣 修魚 周生 周陽 讐子 正敦 正林 鄒

屠 仇由 牟孫

十九侯

侯 歐 謳 區 樓 婁 緱 句 鉤 鯀 衰

侯岡 歐陽 歐侯 樓季 鉤勿 投壺 鉤弋 句龍

侯莫陳 投和羅

二十一侵

侵 尋 鐔 鄒 颯 瀆 臨 緝 樹 箴 箴 湛 謨 任 禽 金 陰 參 蓓

岑

樹灌 樹戈 沈猶

二十二覃

覃 譚 南 男 堪

南郭 南宮 南史 南鄉 南榮

二十三談

談 鄭 甘 燦 儋 聘

澹臺 甘先 甘莊 三州 三飯 三伉 三種

二十四鹽

鹽 閻 廉 詹 占 苦 淹 潛 黔 鉞

瞻 葛 箝 耳 黔 婁 鉞 巫

二十五添

謙 兼

二十六咸

咸 函

咸 邱 函 輿 函 洽 函 谷

二十八嚴

嚴

二十九凡

凡 閻

古今姓氏書辯證目錄卷二

上聲

一董

董孔

孔父

二腫

隴奉勇拱

三講

項

四紙

紙抵氏委蛾蔿闕蓮窩鯁芊

是連是婁是賁是人是云是奴倚相

五旨

視 比 矢 履 壘 癸

水 正 癸 北

六 止

市 紀 祀 似 妣 巳 史 使 李 理 始 士 俟 子 梓

、市 南 似 先 史 華 史 晁 李 蘭 士 孫 士 弱 士 丐 士 季 士 貞 俟 斤 俟

亥 俟 畿 俟 奴 子 游 子 有 子 夏 子 干 子 羽 子 叔 子 家 子 服 子 國 子 旗

子 革 子 臧 子 車 子 駟 子 南 子 占 子 師 子 禽 子 木 子 皙 子 孔 子 人

子 士 子 泉 子 罕 子 蕩 子 午 子 侑 子 儀 子 西 子 寤 子 仲 子 郢 子 石 子

穆 子 高 子 然 子 乾 子 期 子 庚 子 囊 子 公 子 沮 子 襄 子 旅 子 季 子 成

子 扁

俟 呂 陵 俟 伏 斤 俟 伏 侯 俟 力 伐

七 尾

尾 偉

尾 勺

八語

圍 呂 汝 處 褚 許 巨 矩 所 楚 舉 莒 敘 奠 咀
褚師 巨母

九夔

羽 禹 字 栩 邴 甫 府 武 儗 輔 柱 詡 豎 庾 主 楮

羽弗 字 文 甫 爽 武 城 武 羅 武 都 豎 侯 主 父

十姥

姥 杜 魯 古 伍 五 件 虎 琥 鄔 苦 浦 圃

吐 火 吐 萬 吐 賀 吐 羅 吐 門 吐 難 吐 缶 吐 渾 魯 步 古 孫 古 龍 五 鹿 五

王 五 鳩 五 里 伍 相 伍 參 虎 夷 普 屯 補 祿

吐 谷 渾 古 口 引 戶 盧 提 扈 地 干 普 陋 茹

十一薺

邸 底 米 啓

米 禽

十二蟹

解

十三駭

楷

十四賄

隗

十五海

宰 亥

宰氏

十六軫

軫 菌 閔

十七準

尹 允

尹文 尹公

十九隱

隱

二十阮

阮 偃 偃 寒 晚 圈 苑 宛

偃師 卷子

三十三早

散 罕

散宜 罕夷 罕开

二十四緩

緩 晏 皖 琯 滿

二十五濟

阪上

二十六產

簡

二十七銑

銑扁

二十八獮

衍展 遣蹇 單辯 雋娟 兔蕤 鷓

輾遲

二十九篠

繳蓼

烏洛

三十小

犀趙 蠕

小王 擾龍 趙陽

三十一巧

佼絞 鮑

鮑俎

三十二皓

皞 浩 抱 老 道 稻 棗 政 考

昊 英 浩 生 浩 羊 老 陽 老 萊 考 城

三十三駮

我 可 嬰 左

可 單 可 頻 可 達 可 悉 左 丘 左 師 左 史 左 行 左 公

可 地 延 可 朱 渾 可 足 渾

三十四果

瓊

火 拔 火 尋 頗 超

三十五馬

馬 堵 冶 假 賈 夏 也

馬 適 馬 矢 馬 服 馬 師 者 舌 野 利 野 詩 野 頭 野 辭 她 啞 賈 孫 夏 侯 夏

父 夏 丁 夏 陽 夏 里 社 南 社 北

三十六養

養 蔣 鞅 彊 罔 放 圖

養田 爽鳩 長孫

三十七蕩

蕩 盪 盪 莽 黨 蕩

廣武

三十八梗

丙 邴 景 省 杏

梗陽 邴意

三十九耿

耿 幸

四十靜

穎 領 井 省 滄

井強六斤

四十三等

鄔

四十四有

友 柳 鈕 奮 醜 舅 臼

有扈 有巢 有窮 有男 有鬲 有偃 右師 右宰 右公 右行 右扈 醜門 臼

季 受酉 壽酉

四十五厚

厚 後 后 邠 斜 苟

厚 丑 牡 丑

四十七寢

沈 暉

廩 丑

四十八感

禪 譚 浦 替 月

古今姓氏書辨證 目錄卷二

四十九敢

攪 噉 啖

五十炎

冉 染 貧 奄

三姐

五十三躄

減

五十四檻

橄

五十五范

范

范師

去聲

一送

賈 弄 棟 痛 仲

洞 沐 仲 孫 仲 叔 仲 熊 仲 顏 仲 行

二 宋

宋

統 萬

三 用

雍

雍 門

四 絳

絳

五 真

被 智

義 渠

六 至

擊 遂 祕 餽 利 冀 貳 懿 駟 季 自

利 孫 利 作 棄 疾 季 孫 季 連 季 瓜 季 老 地 連 地 倫

自 死 獨 膊

七志

寺 異 忌

寺 人 食 其

八未

緯 魏 費 劇 眩

魏 強 費 連 費 聽

九御

御 慮 鏹 庶 茹 豫

御 龍 去 疾 去 斤 著 工

十遇

注 裕 諭 喻 俞 傅

注吾 務相 具封 傅餘

樹洛干

十一暮

慕 募 度 路 潞 顧 互 胙

慕容 慕輿 路中 路洛 護諾 素和 素黎 布却 庫門 庫汗 庫狄 庫成 步

叔

庫如干 庫僂管 步大汗 步鹿孤 步六根 步六孤

十二霽

蒂 系 惠 桂 香 旻 炆 隸

第三 第五 細封 契苾 惠叔 惠牆 麗飛

十三祭

衛 芮 贅 銳 敝 制 厲 世

十四泰

泰 太 藹 柰 大 躄 貝 沛 會 最 祲 蔡 賴

太叔 太士 太史 太室 太師 太祝 太陽 大陸 大庭 大心 大狐 大公 大野 大夫 大食 大彭 大賀 大山 大連 大征 大師 大拔 會庠 會稽 蔡仲 大莫干 大利稽

十六怪

祭介 玠 劓 黃

祭公

十七夫

快 噲 殫

十八隊

對

十九代

璦 戴

二十一震

振 信 避 蘭 晉 覺 印

慎潰

二十三問

問 鄆 覬 訓

問弓 問薪 運奄 運期

二十四楸

斬

二十五願

怨 方 萬 曼 婉 憲

曼正

万紐于

二十六恩

頓 論

困沒長

二十八翰

汗 馱 炭 犴 僕

幹 獻

二十九換

貫 灌 冠 爨 段 奂

冠軍 段干

三十諫

諫 晏

象 龍

三十一禩

簡

三十二霰

倩 殿 練 見 懋

縣 潘

三十三線

鮮單 譴 援 眷 繼 卞 弁 羨

鄴善 羨門

三十五笑

召 寮

召伯 少正 少師 少叔 少西 少王 少施

三十六效

豹 淖

校師

三十七號

到 受 郃 操 暴 漕 孺 悼

三十八箇

賀

賀蘭 賀若 賀遂 賀婁 賀敦 賀賴 賀魯 賀葛 賀兒

賀六渾

三十九過

播

破丑

破六汗 破多羅

四十禡

謝夜 斥射 華化

下門 下陽

四十一漾

向暢 匠尙 僨望 相

匠僂 匠麗 尙方

四十二宕

浪盜 裳伉 亢阮 曠

四十三映

敬慶 孟柄

慶父 慶忌 孟獲

四十五勁

政 正 聖 鄭 性 姓 令 龔 盛

正令

四十六徑

寧

四十七證

乘

乘馬 乘丯

四十八嶝

鄧

鄧林

四十九宥

右 祐 富 俞 廖 秀 就 壽

古今姓氏書辯證 目錄卷二

宥連 副呂 富陵 富呂 廖叔

五十候

候 茂 鄮 豆 寶 鬪 勾 漏

茂眷 戊地 豆盧 寶公 鬪比 鬪強 鬪文 鬪班 鬪子

五十一幼

謬

五十三勤

贛婁

五十四闕

闕 淡

五十九鑑

監

六十梵

汎

一屋

屋 穀 谷 禿 蕪 角 祿 鹿 象 鏃 鋒 卜 木 沐 福 幅 伏 復 服

澗 縮 陸 麴 淑 育 祝 叔 菽 畜 鄙 竹 竺 郁 肅 宿 玉 晏

陸 繆 穆

屋 廬 屋 南 屋 引 獨 孤 谷 會 谷 渾 谷 那 斛 律 斛 穀 斛 粟 斛 斯 禿 髮 祿

里 鹿 勃 卜 梁 木 易 沐 蘭 福 子 伏 俟 陸 終 祝 固 叔 孫 叔 仲 叔 帶 叔 達

叔 先 叔 敖 叔 梁 叔 夙 郁 朱 目 夷 牧 師

獨 孤 渾 斛 瑟 羅 木 骨 閭 伏 俟 龍 宿 六 斤 郁 久 閭 郁 原 甄

二沃

毒 梅 耨 儲 鏝

僕 固 僕 蘭

三燭

辱 綠 迭 足 麩 續 粟 孛

燭盧

四覺

角 催 岳 樂 卓 樸 朴 濁 灌

樂利 樂王

五質

邗 峽 一 漆 匹 吉 佚 栗 室 畢 姑 率 密 乙

悉羅 悉雲 漆雕 栗陸 室孫 叱列 叱利 叱干 叱呂 叱奴 密貴 密須 密

草 密茅 乙旃 乙干

一利 咍 一斗 眷 一 般 婁 乙速 孤

失利 波羅

六術

述 橘 肱

黜弗 黜容 出連 出就

八物

弗蔚 屈蒲

弗羽 弗忌 不蒙 不更 不第 屈侯 屈南 屈盧 屈同 屈門 屈引

九迄

暨乞

乞伏 乞連

乞利唾

十月

厥闕 髮謁

越質 越勒 越椒 越強 闕門

十一沒

骨悖 紇

沒藏 沒鹿 紇干 紇奚 紇骨 鶻奚

沒鹿眞 骨咄祿 勃罕野 唄石蘭 紇豆陵 紇突鄰

十二曷

妲 遏 刺

鷓冠 達勃 渴侯 葛伯

渴足渾

十三末

末 秣 括 斂

拔拔 拔略 拔也

拔則蘭

十四黠

滑 伋

滑伯

十五鐸

刹利

刹利邪伽

十六屑

頤 齧

鐵弗 纈那

十七 薛

薛 泄 洩 高 裂 竭 折 舌 樂 悅 說 著

列 禦 揭 陽 折 掘 折 婁 悅 力 別 成

十八 藥

藥 略 若 都 博

若 敖 若 羅 若 干 矍 相

藥 羅 葛 若 口 引

十九 鐸

莫 幕 鄭 落 絡 駱 雜 錯 閣 鄂 薄 郝 索 恪 櫛 博 霍 郭

鐸 遏 莫 侯 莫 輿 莫 盧 莫 折 落 姑 落 下 駱 雷 拓 跋 拓 王 索 盧 薄 奚 薄

野

莫 那 盧

二十陌

貉 白帛 伯柏 百劇 窄 窄 邈 卻 格 翟 銳

射 白公 白侯 白冥 白象 白威 伯宗 伯高 伯成 伯有 百里 卻州 赫連 銳

二十一麥

麥

麥正

二十二昔

掖 易 液 釋 肉 石 鉞 席 夕 藉 射

益壽 赤松 赤章 石作 石駘 石戶 石之 籍正 辟閭

赤小豆

二十三錫

錫 酈 狄 休 壁 戚

析成

二十四職

敕息 植識 棘弋 稷國

直勒 勅力 弋門 卽墨

二十五德

勒特 墨塞 北國

黑肱 黑齒 墨夷 墨台 万俟 北宮 北郭 北般 北旄 北鄉 北正 北附

二十六緝

立給 戢

執失 邑裘 邑由 邑里

二十七合

合郃 領伶

合博 沓盧

二十八盍

蓋 炭 垂

蓋樓

二十九葉

葉 接 涉 獵 捷 聶 輒

接輿 涉其

三十估

俠 莢

莢成 牒云 陝跌

三十一洽

夾 邲

三十二狎

甲

噉噉 甲父

三十三業

業 鄴 脅

古今姓氏書辯證卷一

宋鄧名世撰

上平聲

一東

東

謹按中國有東、西、南氏。高麗有北氏。必其先皆以方爲氏。

同

姓書舊無同氏。唯千姓編曰。前涼錄有同善。謹按秦漢間已有此氏。必周官典同之後。或以官氏而應。劭何承天未之考也。前漢書蕭相國子祿。薨無嗣。高后封何夫人。同爲鄼侯。然則蕭何夫人宜爲同氏矣。古者史書婦人。必以姓。故詩稱孟姜。孟庸。孟弋。齊之姜。宋之子。而春秋書徐嬴。王姬。蔡姬。皆以國協。外夫人之姓。定姒。文姜。成風。皆以謚協內夫人之姓。伯姬。叔姬。季姜。皆以字協內女之姓。司馬遷。班固。取法於此。故蕭何夫人同氏。霍光夫人顯。卽顯氏。其變例書名者。亦先以姓。如樊噲娶呂須是也。韋昭國語註曰。桀妹喜。紂妲己。周褒姒。喜。己。妲。姓。宋祁作唐史。載王珪母李。鄭果母崔。而不言氏。皆古史法。

也。顏師古漢書註。獨以后若等爲名。自是學者頗惑其說。然不足爲據。當從詩。春秋。班固。韋。宋。爲是。

桐

神仙傳有桐君。白日昇天。謹按。桐氏出自春秋。桐國之後。魯定公二年。楚滅桐。子孫以國爲氏。其地漢桐鄉。今舒州桐城是也。

蟲

出自春秋時邾國蟲邑。魯昭公十九年。宋圍蟲。取之。其大夫以邑爲氏。漢功臣表有曲城侯蟲達。子捷。孫皇柔。皆嗣侯。玄孫宣。爲公乘。詔復其家。

冲

邵思姓解曰。風俗通漢有博士冲和。

終

何文通姓苑曰。出自顓帝裔孫陸終。其後以王父字爲氏。謹按。漢有諫議大夫終軍。王莽天鳳三年。有校尉史終帶。亡入匈奴。宋有殿中丞終世勳。

衆

出自姬姓。魯孝公生子益。師字衆父。其孫仲以王父字爲氏。春秋。衆氏音中。舊姓書皆作去聲。誤矣。

崇

唐虞之際，封鯀于崇，謂之崇伯。舜殛鯀于羽山，以其國更封諸侯。至商末，崇侯虎譖西伯於紂，紂囚西伯，已而許其專征。西伯遂伐崇，降之。周初遷其重器，以分同姓。明堂位所謂崇鼎，天子之寶器是也。崇侯既滅，子孫以國爲氏。

嵩

舊說風俗通有嵩極玄子，誤矣。謹按西京雜記：漢成帝時，有安定嵩，真與玄菟曹元理，並明算術。真嘗自算其壽七十三。綏和元年正月二十五日晡時死，書其壁以記之。至二十四日晡時死，其妻曰：見真算時，長下一算，欲以告之。虛說有旨。案·西京雜記作虛脫有旨·此誤·故不敢言。今果較後一日，真又曰：北邙青壠上，孤檣之西四丈所，鑿之入七尺，吾欲葬此地。及真死，依言往掘，得古時空槨，卽以葬焉。詳此，卽漢有嵩氏，而風俗通考之未精也。

媵

古諸侯有媵氏，以國爲姓，卽契母簡狄之國。

戎

出自姜姓，四嶽之後，別爲允姓。先王居橐杻于四裔，故允姓之戎居于瓜州。春秋時秦人貪其土地，迫

遷諸戎。戎子吾離附于晉。晉惠公封以南鄙之田。謂之姜戎。自吾離至駒支。常爲晉附庸。其族戎津。仕晉爲車右大夫。始以國氏。漢功臣表。柳工齊侯戎賜。以都尉破項籍功封。賜子安國。生恭侯嘉。嘉生角。皆嗣。至玄孫長安公士先生。宣帝詔復其家。又宣帝戎婕妤。生中山哀王唐。虔州刺史戎昱。岐州人。有詩名。初舉進士。京兆尹李鑾欲妻以女。使改姓昱。貽詩曰。千金未必能移姓。乃止。甚矣鑾之陋也。昔衛莊公蒯賸登城。以望戎州。怒曰。我姬姓也。何戎之有焉。剪之。其後卒死于戎州。已氏。夫地名。人姓。謂之戎。何害。莊公李鑾。不可謂知所惡也。

莪

元和姓纂曰。春秋有莪律。誤矣。晉襄公車右大夫乃戎津也。

案左傳。文公七年。晉及秦戰于令狐。戎津爲右。晉襄公卒。于魯文公六年立靈公。此襄公

應作靈

公。今詳唐孔至姓氏雜錄。有代北茂眷氏。

○案。原本作戎眷氏。據去聲五十。候茂氏錄。竊姓茂眷氏錄。引改。

字畫之誤也。○案廣韻一東。引後魏官氏志作戎眷氏。改爲莪氏。今本官氏志作茂。與雜錄同。

弓

後漢初。安陵人弓林與方望。同立孺子嬰爲帝。晉有江夏太守弓欽。

宮

出自周官。掌宮門者。以世官爲氏。

融

謹按春秋外傳。顯帝裔孫曰黎。爲高辛氏火正。寔能光融天下。以功大。故號祝融。後人氏焉。

彤

元和姓纂曰。本彤氏。周卿士彤伯之後。裔孫避難改焉。

熊

出自芊姓。祝融曾孫。○案會。疑當作裔。鬻熊爲周文王師。其子事文王。早卒。曾孫熊繹。以王父字爲氏。成王封爲荊子。後僭號楚王。由繹而下。爲楚君者。皆以熊連名稱之。如熊通、熊虔、熊居之類。蓋姓芊而氏熊也。春秋時楚公族有熊負羈、熊宜僚爲大夫。而近楚羅國亦爲熊姓。今望出江陵。

馮

戰國策。馮亭爲韓守上黨。秦攻上黨。絕太行道。韓不能守。馮亭乃入上黨於趙。遂爲上黨潞人。趙封亭華陽君。與趙括拒秦。戰死長平。宗族由是分散。或留潞。或在趙。在趙者爲官帥將。官帥將之子爲代相。及秦滅六國。而馮亭之後。馮母擇。馮去疾。馮劫。皆爲將相焉。漢興。功臣馮敬。卽母擇子。而文帝時馮唐顯名。卽代相子。唐弟馮。自上黨徙杜陵。至武帝時。馮奉世字子明。以良家子選爲郎。歷事昭宣。爲左將軍。光祿勳。賜爵關內侯。其長女爲元帝昭儀。生中山孝王。卽中山太后媛也。奉世子男九人。譚、野王、遂、

立皆至大官。所謂大馮君小馮君者。裔孫衍。後漢有傳。又馮魴字孝孫。南陽湖陽人。亦云其先魏之支別。食采馮城。因氏焉。秦滅魏。遷于湖陽。爲郡著姓。東觀記亦曰。魏之別封曰華侯。華侯孫長卿。食采馮城。因以爲氏。又馮勤字偉伯。魏郡繁陽人。曾祖父揚。宣帝時宏農太守。八子皆爲二千石。趙魏間榮之。號萬石君。兄弟形皆偉壯。唯勤祖父偃。長不滿七尺。乃爲子伉娶長妻。生勤。長樂信都馮氏。馮和生安。慕容永時爲將軍。子跋。徙居龍和。家于長谷。仕慕容氏爲中衛將軍。及慕容雲之亂。乘隙篡位。國號北燕。在位十一年死。二子翼。永跋幼弟宏。殺翼自立。爲魏所伐。奔高句麗。殺之。弘兄素弗。侍中車騎大將軍。錄尚書事。跋從兄萬泥。驍驍大將軍。幽平二州牧。務銀提。爲上大將軍。遼東太守。買衛尉城陽伯。曙。太常高城伯。族人懿。給事中。南燕有京兆太守馮鶯。上黨人。後蜀有侍中馮孚。元和姓纂曰。馮氏出潁川者。漢左將軍奉世之後。出長樂者。宜都侯參後。出京兆者。燕王弘之後。出弘農者。弘孫西魏寧州刺史寧之後。出河間者。唐監察御史師古之後。虞部員外郎宿。東陽人。文多不錄。

芄

出姓苑。

風

太皞伏羲氏之姓也。三皇以來。有天下者。異德則異號。異號則異姓。異號者。如伏羲或曰庖羲。神農或

曰炎帝黃帝或曰帝鴻異姓者如炎帝生于姜水黃帝生於姬水皆以爲姓詳此卽太皞東方之帝木生風故伏羲以風爲姓實象其德黃帝之相風后卽其裔也春秋有任宿須句顓臾四國在濟水上皆風姓司太皞之祀。

風

一作汎姓書曰人姓謹按此卽古文風字。

○案字書、韻書、無風、汎、二字。鄆氏及通志氏族略。俱以爲古文風字。不知何據。今依音附風氏後。

豐

謹按春秋鄭穆公十一子子然及二子孔三族亡子羽不爲卿其存者唯罕、駟、豐。

鄆

出自姬姓周文王子鄆侯之後以國爲氏春秋時赤狄潞氏之相曰鄆舒。

倭

○案廣韻平聲一東無倭字。此條原本次去聲三用雍氏後。今依鄆氏原音讀若豐。附入東韻。

近世有此姓音平聲讀若豐。

充

出自周官充人之後以官命氏戰國有充虞爲孟子弟子洞仙傳有仙人充尙急就章有充申。○案急就章。充、申屠。顏師古注云。充氏古仙人充尙之後。申屠則別爲一姓。鄆氏及通志皆以充申連讀。誤。漢百官表有左馮翊充郎初平二年遷大司農。

公

曹大宗。姓源韻譜曰。公正無私。九命百里之號。後爲氏焉。謹按。灌嬰傳有楚將公杲。則秦楚之際。已有公氏。

功

風俗通云。晉大夫司功景子之後。或去司單爲功氏。

蒙

謹按魯頌曰。奄有龜蒙。遂荒大東。則龜蒙魯封內之山。以其在國之東。故謂之東蒙。孔子謂顓臾。昔者先王以爲東蒙主是也。秦將蒙驁及其子恬。毅中庶子蒙嘉。皆魯人之後。又唐南詔蒙氏。父子以名相屬。如皮羅閣生閣羅鳳是也。其後或入中國者。遂爲安定人。

紅

元和姓纂曰。出自劉氏。漢楚元王子紅侯富之後。

鴻

謹按漢郊祀志曰。黃帝相鬼臿區。號曰大鴻。其卒而葬。謂之鴻冢。然則大鴻之後。當爲鴻氏。

叢

姓苑曰南陽叢鍾爲潞州刺史。

翁

唐翁承贊字文饒乾寧中及進士第有詩一卷元和姓纂比部郎中翁義恪。

醜

出自董姓醜夷氏之後去夷爲醜氏春秋時鄭大夫醜蔑字然明亦曰醜明爲子產叔向所知姓書未有原醜氏所出惟元和姓纂微發其端今詳著之。

蓬

段成式酉陽雜俎北海人蓬球舊姓書無此字今增入。

古今姓氏書辯證卷二一

一東下

東郭

出自姜姓。齊公族大夫居東郭、南郭、北郭者，皆以地爲氏。春秋時齊有東郭書，又東郭賈字子方，食邑大陸，謂之大陸子方。

東里

莊子，鄭之東里多才，蓋七穆所居，論語言東里子產是也。其支庶或以爲氏。

東宮

元和姓纂曰：東宮棄疾隱嵩山，年三百歲。謹按：此必其先出於列國，世子居東宮而不得立者，其後因以爲氏。如大夫之氏於南宮、北宮也。姓纂又云：齊大夫東宮得臣，誤矣。春秋時齊公子得臣爲世子，不敢居上位，常居東宮，故傳稱衛莊姜曰東宮得臣之妹。詩亦曰東宮之妹，非得臣以東宮爲氏。

東門

出自姬姓。魯莊公之子遂，爲卿，居魯東門，因氏焉，謂之東門襄仲。其子歸父以國討，奔齊。列子有東門

吳漢孝武時善相馬者東門京鑄銅馬式獻之有詔立於魯班門外事具馬援傳又有瑯琊東門雲學嚴氏春秋官至荊州刺史

東陵

風俗通秦東陵侯邵平之後又齊景公時有隱居東陵者氏焉神仙傳有東陵聖母謹按漢地里志廣陵縣有東陵亭卽盜跖死利於其上之地也博物志曰女子杜姜左道通神縣以爲妖閉獄桎梏卒變形莫知所極以狀上因以其處爲廟祠號曰東陵聖母然則聖母不氏於東陵特邵氏齊人之說可據

東關

風俗通晉有東關嬖五漢有將軍北亭侯東關義謹按春秋東關晉之門名其先晉守關大夫以地爲氏而義卽其後特不可曰嬖五後也左傳曰外嬖梁五與東關嬖五晉人謂之二五蓋晉獻公時有東關嬖人名五而失其姓應劭以嬖五爲名誤矣

東方

梁有宿豫士人東方光唐貞觀中定德州平原郡八姓其一東方氏也唐末有行營都統東方逵爲使相

東閩

姓苑云古賢者有東閭子。謹按左氏傳東閭齊之門名。所謂州綽門于東閭者。當時大夫以所居爲氏。東鄉

世本曰宋大夫東鄉爲○案通志氏族略廣韻一東引爲下有人字之後。賈執英賢傳曰漢并州護軍東鄉子琴。高密人。唐藝文志有東鄉助。著周易物象釋疑。

東陽

元和姓纂云祖氏家傳。祖崇之妻東陽元旋女。又宋員外郎東陽無疑。撰齊諧記七卷。○案七原本作十。據廣韻一東及唐藝文志改。謹按春秋左氏傳魯齊晉皆有東陽。魯之東陽在泰山南。齊之東陽近萊。晉之東陽在魏郡廣平以北。今婺州屬縣亦有東陽。必其先列國大夫有以邑爲氏者。

東丹

五代時契丹阿保機長子突欲爲東丹王。及德光立。突欲奔唐。唐明宗賜姓東丹名慕華。後更姓名曰李贊華。

東野

莊子有善御者東野稷。一名畢。事魯莊公。謹按春秋左傳東野魯地。必稷之先爲氏。宋有殿中丞東野春。

東萊

謹按東萊後世以爲郡名。必秦漢以來人以地爲氏。

同蹄

本西羌人。唐孝友傳。永徽初。有同官人同蹄智壽。父爲族人所殺。智壽與弟智爽候諸塗。擊殺之。今望出渤海。

同官

元和姓纂曰。出姓苑。謹按同官縣名也。必其先以邑爲氏。

桐里

元和姓纂曰。漢御史中謁者桐里斥生儒。爲議郎。謹按桐相二字相類。而斥亦作相里氏。未知孰是也。

桐門

桐門宋城北門也。元和姓纂有此氏。今著其說。

銅鞮

謹按春秋晉羊舌赤食銅鞮。謂之銅鞮伯華。及羊舌氏亡。以樂霄爲銅鞮大夫。其地上黨銅鞮縣是也。二人之後。必有爲氏者。元和姓纂始收此氏。今從之。

中行

出自荀氏。晉公族逝敖。生荀林父。晉文公作三行以禦狄。林父將中行。謂之中行桓子。以官爲氏。桓子生庚及獻子。偃字伯游。偃生穆子吳。吳生文子寅。其族有中行喜。

中央

姓解曰。中央氏。古帝號。其後以爲姓。

中英

元和姓纂曰。古帝少昊氏有六英之樂。掌中英者。以官爲氏。

中梁

英賢傳曰。古隱者中梁子之後。謹按。古字中、仲通用。攷證。案。中仲通用。俱係去聲。今與後中叔一條。俱收入平聲。非。必仲梁氏之後

也。

中叔

中叔圉之後。晉有中叔無忌。漢光武時。御史中叔僚。謹按。古文中與仲通用。

中壘

元和姓纂曰。風俗通。劉向爲漢中壘校尉。支孫以官爲氏。

終葵

春秋左傳魯定公四年成王封康叔於衛分以商民七族其一曰終葵氏。

終古

元和姓纂風俗通桀內史終古後氏焉。

戎子

元和姓纂曰戎子駒支之後爲氏謹按世無此氏而春秋時齊靈公之妾亦謂之戎子何獨駒支之後乃爲氏乎。

弓里

後漢獨行傳建封二年騎都尉弓里戎將兵平定幽州謹案弓里當爲戎之氏。

宮孫

漢藝文志有宮孫子著書師古曰宮孫姓也不知名或云室孫氏室訛爲宮。

熊相

春秋時楚大夫有熊相宜僚熊相謀賈執英賢傳有楚懷王將軍熊相沂。

○案通志氏族略引作熊相耶。

熊率

元和姓纂曰。楚熊率且比。後爲氏。

空桐

○案。此下三條。原本次公母氏後。今依廣韻次序移正。

史記商本子姓。其後分封以國爲姓。故有空桐氏。

空桑

英賢傳曰。伊尹生于空桑。後世氏焉。

空相

晉惠帝時。空相機。殺南平將軍孟槐。

公冶

出自姬姓。季氏之族。子曰季冶。字公冶。爲季氏屬大夫。魯襄公二十九年。自楚還。季武子使公冶問公。公賜之冕服。子孫榮之。以字爲氏。故定哀間有公冶長。字子長。爲孔子弟子。孔子以其子妻之。卽其孫也。原此氏所出者。○案。原此氏上。疑當有姓書未有四字。今詳著之。

公乘

漢陳餘娶趙苦陘富人公乘氏女。又湖三老公乘興。詔王尊治京兆功效。後漢更始有左輔都尉公乘翁。新唐史。公乘億。字壽山。登咸通進士第。魏博樂彥貞喜儒。引在幕府。有詩賦二集。

公孫

黃帝之後無人而春秋時國君之孫皆謂之公孫。秦公孫枝字子桑。晉公孫杵臼。孔子弟子公孫龍字

子石。皆以公孫爲氏。前漢紀平帝元始元年封周公後公孫相如爲褒魯侯恩澤。○案澤下當有侯字。表曰節

侯公子寬。以周公後魯頃公孫之玄孫奉周祀爲褒魯侯二千戶。元年六月丙午封十一月侯相如嗣

更姓公孫氏。後更改爲姬氏。然則後世公子公孫之氏當以漢史爲正。後漢玄菟太守公孫域擊破夫

餘遼東兵馬公孫酺以身扞太守俱沒于陣。南燕有侍中公孫五樓專總朝政。兄冠軍將軍常山公歸

叔父武衛將軍興樂公頽。

公西

孔子弟子公西赤字子華。公西輿如字子上。公西蒧字子皙。皆魯人。邵氏姓解以赤與華爲二人誤甚

矣。

公叔

出自姬姓。衛獻公少子發。國人謂之公叔。因以爲氏。所謂公叔文子者也。文子生公叔戌。以罪奔魯。亦

作朱。禮記又作叔木。○案檀弓疏引世本衛獻公生成子當當生文子拔拔生朱爲公叔拔卽發也。擊義相通。鄧氏以發爲獻公少子未知何據。

公子

元和姓纂曰：春秋列國公子之後，此知其說而未詳者。今以漢史公子寬事爲正。

公羊

齊公羊高子夏弟子。作春秋傳。又公羊賈始爲鑿巾以飯。○案賈原本作買。據禮雜記文改。

公析

元和姓纂曰：衛穆公生公析黑臀。○案臀當作背。鄧氏亦承其誤。其孫成子朱鉏。以王父字爲氏。謹按春秋傳：衛侯之弟黑臀字子叔。別爲子叔氏。其孫析成子亦不以公析爲氏。未知林氏何據也。

公劉

姓苑曰：后稷之祖有公劉氏。誤矣。古無此氏。而公劉乃后稷之孫。非其祖也。此訛誤顯然者。不可不正。今駁去。

公肩

孔子弟子公肩定。字子中。魯人。

公牛

姓源韻譜曰：其先齊公子牛之後。淮南子有公牛哀。病七日化爲虎。

公師

出自姬姓。後漢功臣表有公師壹。劉聰有太中大夫公師彧。

公旗

世本齊威王時有左執法公旗。藩姓源韻譜曰：齊悼公子子旗之後。

公右

姓苑曰：高平人。謹按春秋國君戎右謂之公右。如魯顓孫之類。必有以世官爲氏者。

公巫

魯大夫有公巫召伯仲。其後以官爲氏。

公仲

子華子曰：程子聚徒著書。門人之著書者曰公仲承。最能傳其道。與留務滋同學。務滋卽鬼谷子也。

公橋

或作公禱。漢藝文志有公橋生終始十四篇。師古曰：橋音疇。其字從木。傳黃帝終始之術。

公族

東漢郭泰傳有公族進階。其先出自晉公族大夫之後。春秋時驪姬亂晉。詛無畜羣公子。自是晉無公族。及成公自周歸。晉始宦卿之適子。以爲公族。故趙盾請以括爲公族。韓厥子無忌。謂之公族。穆子范。

鞅與欒盈爲公族大夫而不相能其後遂有以官爲氏者

公孟

出自姬姓。衛襄公生公子絜。字公孟。以疾不得嗣。其孫彊。以王父字爲氏。○案杜預世族譜。孟繁無子。靈公以其子彊爲之後。○定十二年正

義云。繁字公孟。故卽以爲氏。然隱八年正義。引世本以公孟爲彊字。與杜不合。未知孰是。鄧氏又以彊爲繁孫。謂以王父字爲氏。豈別有所據耶。

其宗人奔齊爲公孟綽。

公他

世本曰。有蒲邑大夫公他。世卿。其先以王父字爲氏。

公玉

漢郊祀志。濟南人公玉帶。上皇帝時。明堂圖。師古曰。呂氏春秋。齊有公玉丹。○案史記孝武本紀。索隱。引風俗通作丹。此蓋

其舊。而說者讀玉爲宿。非也。

公泥

姓解曰。左傳。季武子庶子公泥氏。誤矣。謹按左傳。季公鉏。一名公彌。未嘗有公泥氏。泥彌聲訛也。今駁

去。

公碁

謹按。後漢中平四年。漁陽人張純。殺護烏丸校尉公碁稠。則公碁人氏也。姓書未收。今增入。

公舌

姓解曰。左傳。晉大夫有公舌赤。誤矣。謹按。古無公舌氏。而晉大夫乃羊舌赤。蓋羊公二字之誤。今駁去。

公帥

本公帥氏。避晉景帝諱。改焉。晉成都王帳下有公帥蕃。

公甲

魯哀公二年。大夫公甲。叔子與析朱鉏。戰吳人于夷。吳人獲叔子。邵氏姓解以公甲叔及公甲叔子爲二人。誤矣。今駁出公甲氏。

公明

衛有公明賈。爲公叔文子屬大夫。孟子弟子有公明儀。考證。案禮弓疏。公明儀乃子張弟子。此云孟子。未知何據。公明高。

公歛

魯大夫公歛陽。字處父。爲孟氏宰。能逐陽虎。

公上

古有公上不害。南齊有晉陵令公上延孫。爲南沙人范愔化所殺。

公山

左傳魯人公山不狃以費畔季氏而奔吳爲大夫不狃字子洩。

公罔

孔子弟子有公罔之裘。鬻相之射。嘗使揚觶。

公齊

元和姓纂孔子弟子有公齊定。謹按家語史記無此人。未知何據。案公齊定疑卽公府定之訛。

公牽

姓解曰世本齊公子牽。○案廣韻牽作成。之後有公牽氏。

公仇

姓苑曰後漢零陵太守公仇稱出自晉穆侯太子仇之後爲公仇氏。

公幹

古今人表有公幹仕齊爲大夫後氏焉。

公之

元和姓纂曰季悼子生思伯鞅鞅生懿伯杼爲公之氏。

公勝

前漢藝文志技巧家有公勝子五篇。

公城

南史王宏少嘗樗蒲于野舍。及後當權。有人就弘求縣。此人嘗以樗蒲戲得罪。弘詰之曰。君得錢會戲。何用祿爲。答曰。不審公城子野何所在。弘默然。

公若

出自姬姓。季武子之子公亥。字公若。其孫藐。以王父字爲氏。

公緒

後漢黨錮傳。公緒恭爲八顧注。公緒。姓也。

公儀

列子。周宣王時有公儀伯。以力聞諸侯。其後有魯相公儀休。又有公儀仲子。舍其孫而立其子。禮記。檀弓注曰。公儀。蓋魯同姓。

公皙

史記家語。有孔子弟子公皙哀。邵氏姓解以爲祈哀。蓋祈析二字相近。而林邵二家之說。容有一誤。今附見之。

公輸

魯有公輸般爲工師。孟子所謂公輸子之巧者。其孫曰公輸若。遂氏焉。

公亓

子思子有公亓懿子。衛人。與子思論人主自臧。則衆謀不進事。

公思

魯季氏之族曰公思展。後人以字爲氏。

公襄

世本曰。魯大夫公襄昭。魯襄公太子子野之後。

公戶

前漢儒林傳。魯徐生善爲禮樂。其弟子公戶

○案。廣韻引作扈。今漢傳正作戶。

滿意。爲禮官大夫。

公慎

魯有公慎氏。聞孔子爲政。出其淫妻。

公房

古今人表有公房皮。出自芊姓。楚公子房之後。

公車

出自秦公子鍼。字伯車。後世別爲公車氏。

公言

出姓苑。未詳其所自。

公金

世本。秦公子金之後。有公金氏。

公獻

出姓苑。未詳其所自。

公息

呂氏春秋有鄭大夫公息忘。○案。今本呂氏春秋去尤篇。有公息忌。與邾君論甲裳事。忌。一作忘。非鄭大夫。廣韻。鄭作邾。與此亦異。

公留

出姓苑。未詳其所自。

公朱

世本曰。宋公子朱之後。

公旅

出姓苑未詳其所自。

公冉

魯叔仲氏家臣有公冉務人。

工師

其先出自古官治水者以官爲氏漢有平悼侯工師喜子靖侯奴孫執。

工婁

左氏傳遂國人四族其一曰工婁氏。

紅陽

地里志紅陽漢南陽縣也。酷吏尹賞傳曰永始元延間貴戚驕恣紅陽長仲兄弟交通輕俠藏匿亡命。鄧展曰紅陽姓長仲字也師古曰姓紅陽而兄字長弟字仲今書長字或作張者後人所增爾。一曰紅陽侯元王之子兄弟長少者誤矣謹按姓書漢紅陽侯劉富後爲紅氏周陽侯趙兼後爲周陽氏則紅陽氏之先亦侯家也今從鄧顏二注。

嚴夷

左傳。鬻叔安裔子董父。能擾畜龍。以事帝舜。帝賜氏曰豢龍。封諸鬻川。鬻夷氏其後也。杜預注曰。鬻。水上夷。皆董姓。

二冬

冬

姓苑曰。前燕慕容皝有左司馬冬壽。晉史作修壽。未知孰是。

修

晉書。音義徒冬反。北燕錄有遼東修萬。以文章知名。晉史。燕慕容皝有司馬修壽。

儂

唐西南蠻居廣容之南。邕桂之西。天寶初。黃氏居橙洞。與常氏、周氏、儂氏相唇齒。爲寇害。據十餘州。敬宗時。黃氏、儂氏據州十八。經略使遣一人詣治所。稍不得意。輒侵掠諸州。太和之後。儂洞最強。結南詔之助。懿宗與南詔約和。二洞數間敗之。邕管節度使辛讜以美貨啖二洞首領。太州刺史黃伯蘊屯洞。首領儂金勒等與之通歡。負州又有首領儂金澄。儂仲武與金勒襲黃洞首領黃伯善。伯善擊殺金澄。唯金勒遁免。後欲舉兵報仇。辛讜遣人持牛酒音樂解和。并遺其母衣服。母賢者也。謂其子曰。節度使持物與獠。母非結好也。以汝爲吾子。前日兵敗不自悔。復欲動衆兵。忿者必敗。吾將爲官老婢矣。金勒

宗
感悟罷兵。裔孫儂智高與弟智忠建忠。自廣源州舉兵犯廣南。破州郡。仁宗遣大將狄青破逐之。

後漢鄧禹以宗敞爲車騎將軍。又涼州刺史宗漢得羌降。安夷縣長宗延爲羌所害。又西河太守宗育徙居河東。其孫鳳開侍郎檢校內史秦客。中書令郢國公楚客。司農卿晉客。楚客秦客與紀處訥朋姦。世號宗紀。元和姓纂以爲周大夫宗伯之後。以官命氏。誤矣。宗伯自爲複姓。

彤魚

古今人表黃帝妃曰彤魚氏。生夷鼓。

宗伯

周官宗伯之後。以官爲氏。王莽以故漢少府宗伯鳳爲僕射。丞相王嘉言鳳經明行修。又以爲太子少傅。與馬宮袁聖王嘉爲四師。

宗正

南燕錄有宗正謙善卜。

古今姓氏書辯證卷三

三鍾

鍾

漢西曹掾鍾皓。字季明。生郡主簿廸。廸生魏定陵侯繇。字元常。繇生侍中毓。字稚叔。二說皆有小誤。上有脫文。謹按左傳。魯成公七年。鄭人囚楚鄆公鍾儀。獻于晉。九年。晉侯歸鍾儀于楚。後七年。晉三卻始害伯宗。子州犁奔楚爲太宰。蓋成公十五年也。然則楚有鍾氏久矣。昭王樂尹鍾建。乃儀之後。而子期又建之孫。皆非出自州犁。州犁之後。○按。原本州犁二字不重。今審文義補正。正合爲鍾離氏祖。而昧子接。雖爲鍾氏。亦不得爲鍾氏祖。今宜曰。鍾儀之先仕楚。以所食邑爲氏。則姓系明矣。南唐汀州刺史鍾全慕。又禮部侍郎鍾謨。會稽人。壽春節度使鍾章。合肥人。生戶部尚書處謙。

龍

漢藝文志有梁人龍德。注雅琴龍氏九十九篇。乃論治地龍子之後。

庸

出自商。諸侯之國。以國爲氏。仕衛爲世族。詩所謂彼孟庸者也。戰國有庸芮。齊有庸職。

雍

楊文公談苑音平聲。

重

後漢耿弇傳有渠師重異。注曰：重，姓也。謹按：少皞氏裔子重，爲高辛氏。讀平聲。

從

七松反。

元和姓纂曰：東筦從氏。漢有將軍從成公。

蹤

今開封市人有此姓。莫知所自出。姓書未有。今增入。

權

謹按前漢高祖紀：高祖命權公與周苛守滎陽。師古曰：權，千容反。則權，人氏也。地里志有權陽。必其先以地爲氏。

恭

韻譜曰：晉申生諡恭世子。後人以諡爲氏。宋政和中，嘗詔民姓犯翼祖廟諱者，並改爲恭。

龔

其先共氏。避難。加龍爲龔。漢有龔遂。姓書云。晉大夫龔堅後。誤矣。晉無龔堅。漢渤海龔勝及龔舍。避王莽亂。不仕。謂之楚兩龔。後蜀李壽。以巴西龔壯謀。殺李期而自立。及僭位。以安車束帛。聘壯爲太師。壯固辭。特聽縞巾素帶。居師友之位。

共

謹按。春秋時晉有共賜。魯有共劉。鄭有共仲。皆爲大夫。漢初。封義帝柱國。共敖爲臨江王。敖生尉。

鍾離

出自子姓。宋威公會孫伯宗。仕晉爲三卻所害。其子州犁奔楚。食采以○案。以字疑。或當爲邑。於鍾離。因以爲氏。而世爲楚將。裔孫鍾離昧。爲項羽將。二子。長曰發。居九江。仍故姓。次曰接。徙長社。爲鍾氏。

鍾吾

出自春秋時子爵小國。吳闔廬使執其亡公子燭庸。鍾吾子不可。遂伐滅之。以國爲氏。漢尉氏令鍾吾蒼。卽其後也。

龍工

謹按。王子年拾遺記。窮桑氏之國。有水屈曲。亦如龍鳳之狀。有山盤紆。亦如屈龍之勢。故有龍山。龜山。鳳水之目。亦因以爲姓。末代爲龍工氏。出班固藝文志。

封人

出自周官封人之後。以世官爲氏。一云古諸侯封人之後。漢有司徒掾封人嬰。元和姓纂曰。古封畿之職爲氏。左傳。晉有蕭封人。誤矣。春秋時。宋樂懼爲呂封人。高哀爲蕭封人。鄭仲足爲祭封人。穎考叔爲穎谷封人。如此非一。又晉有蕭邑。急就篇曰。呂氏春秋。韓封人子高。

封父

出自夏諸侯封父之後。其地汴州封北縣。有封父亭。卽其所都。周初國滅。取其大弓繁弱。以封伯禽於魯。子孫遂以國爲氏。謹按。明堂位曰。封父龜。天子之器也。蓋伯禽初封。亦受此賜。元和姓纂曰。夏殷國名。鄭有封父彌真爲大夫。

雍人

元和姓纂曰。周禮雍人。以官爲氏。魯有雍人高檀。見左傳。謹案。魯有雍人高檀。誤矣。周官無雍人。魯有雍人高檀。則饗人之名。非以雍人爲氏也。春秋時。諸侯掌膳羞之官。或曰饗人。所以有別於天子之內。饗外饗。而字皆從食。如以雍人爲姓。檀爲名。則讀襄公二十八年傳。雍人竊更之以驚。亦可爲姓。饗人而名竊乎。今合駁正。

雍正

晉郭默有將軍雍工洛。蓋其先以所居爲氏。謹案春秋。雍工在宋鄭之間。周封夏禹後於杞。杞都雍工。故後世謂雍工爲杞縣。

逢公

出自夏商之世。諸侯有逢伯及逢公者。國于齊土。因以國爲氏。古有善射逢蒙。春秋齊有逢丑父。楚有逢伯。陳有逢滑。晉有逢大夫。皆知名。漢有逢萌。前燕有逢羨萌。字子康。北海都昌人。所謂子康大賢。所在人事如父者。北海逢氏。漢太尉信後。趙秦州刺史碧。唐中書舍人弘敏。

逢孫

謹按。秦穆公使大夫逢孫戍鄭。逢孫密謀取鄭。鄭覺而逐之。逢孫奔宋。子孫以字爲氏。

逢侯

史記世家。楚懷王有裨將軍逢侯丑。姓書舊無此氏。今增入。

逢工

出姓苑。

四江

江

太史公曰。秦之先嬴姓。其後分封。以國爲氏。故有江氏。是也。春秋時。齊小白霸諸侯。江人會于貫。又會于陽穀。楚人怒其親中國。故滅江。其子孫奔齊爲大夫。齊悼公拘江說。卽其人也。裔孫德。十世孫蕤。晉譙郡太守。亢父男。生祚。祚生統。晉黃門侍郎。生尙書僕射繆。繆生數。數生宋右僕射夷。夷生宋吏部尙書湛。

廌

出自高辛氏。才子八人。其一曰廌降。子孫以字爲氏。夏有賢臣龙圉。卽其後也。

邦

出姓苑。廣韻曰。後魏秘邦氏。改爲河南邦氏。誤矣。秘邦。乃秘邗也。

龐

出自姬姓。姓源韻譜曰。襄陽安衆龐氏。其家富盛。好爲高屋。鄉黨榮之。號曰龐高屋。襄陽記。龐德公居峴山之南。未嘗入城府。夫妻相敬如賓。子字山人。○案。原本脫山字。據後漢書補。亦有令名。娶諸葛孔明妹。爲魏黃門吏部郎。生渙。晉牂牁太守。又廣漢姜詩。娶同郡龐盛女。又益州刺史龐芝。又中郎將龐浚。援涼州。後秦有大將軍左長史龐演。魏尙書統。

逢

出自夏商之世。諸侯有逢伯及逢公者。國於齊土。因以國爲氏。陳有逢滑。晉有逢大夫。皆知名。前燕有逢羨萌。字子康。北海都昌人。所謂子康大賢所在。人事如父者。北海逢氏。漢太尉信後。趙秦州刺史碧。唐中書舍人弘敏。按此條辯證。已見二冬逢公條。內冬韻之逢。係本音。江韻之逢。音龍。兩讀。而辯證所引則一。當必有誤。○按此較逢公條少古有下十七字。宜移補於此。所舉逢蒙等九人。皆逢氏。觀上云以國爲氏。則必不入逢公條下。且逢公與逢伯並舉。若逢公爲姓。則逢伯獨不可爲姓乎。姓纂諸書。無逢公一姓。古今亦無姓逢公者。疑鄧氏原書本無其姓。編大典者。因見文有逢公二字。遂於逢氏外。別出復姓。兩存其說於每條之下耳。

五支

支

其先月支胡人。後爲氏。石勒十八騎中有支屈六。唐有感化軍節度使支祥。宋有蘇州吳縣人支詠。

移

謹按。後漢紀有南郡太守移良。承宦官指。停楊震棺。露於道側者。風俗通曰。齊公子雍。食采於移。其後氏焉。

爲

世本。晉始平人爲勉。自稱將軍。

媯

出自虞舜。生於瀉汭。以水爲姓。周武王時。有虞遏父者。爲陶正。能利器用。王賴之。以其先聖之後。封其子滿爲陳侯。復賜姓媯。以奉虞帝之祀。是爲胡公。胡公裔孫曰陳威公鮑。生太子免。鮑弟曰厲公躍。莊公林。宣公杵臼。杵臼生穆公款。款生共公朔。朔生靈公平國。平國生成公午。午生哀公弱。及公子過。公子招。弱生悼太子偃師。及公子留。公子勝。偃師生惠公吳。吳生懷公柳。柳生閔公越。又有五父佗。太子禦寇。公子完。公子黃。皆見於春秋。完奔齊爲工正。食采於田。謂之陳恭仲。其卜得繇辭曰。有媯之後。將育于姜。五世其昌。並于正卿。八世之後。莫之與京。果以媯姓奔齊。後爲田氏。五世而陳無宇爲齊卿。八世而陳常得齊政。常孫田和取齊而代之。

隨

出自祁姓。陶唐氏之後。劉累孫杜伯。事周宣王。無罪見殺。子隰叔奔晉。生士蔦。蔦生會。爲晉上卿。食采於隨。謂之隨會。子孫氏焉。後漢蘇竟傳。有偏將軍隨第。姓纂曰。周同姓。隨國爲氏。誤矣。隨乃漢東近楚之國。終春秋世國存。未嘗爲氏。

奇

謹按。伯奇。周大夫尹吉甫之子。以孝聞。然則奇氏蓋出自尹氏也。又有河南奇氏。

岐

陳留風俗傳曰黃帝師岐伯之後唐段秀實與判官岐靈岳謀殺朱泚迎乘輿不克被害安化岐氏唐萬福府統軍岐才慶州人

羲亦作儀

出自三皇太皞伏羲氏之後爲氏案伏羲氏之後通志別爲戲氏魏志有戲志才穎川人

宜

姓苑姓纂皆曰隋西南地有宜縉宜林

儀

出自衛大夫食邑於儀因氏焉一云周官司儀之後以世官爲氏春秋有陳大夫儀行父元和姓纂曰衛有儀封人誤矣封人非以儀爲氏

皮

後漢元初元年先零羌叛敗涼州刺史皮揚千狄道千姓編曰望出下邳唐末有襄陽皮日休蘇州刺史生光業光業生元帥府判官文璨文璨生子良仕

蕃音皮○案此條原本次危氏後今依音移附此

元和姓纂曰其先出自魯大夫食邑於蕃因以爲氏後漢黨錮傳有蕃嚮謹按前漢眭孟魯國蕃人師

古姓書云。○按·姓書云三字·疑衍·師古二字·當在曰字之上·古今人表按·此下疑脫·司徒皮三字·曰詩所謂蕃維司徒者。今代詩本不從草。亦不音皮。未知孰是。按經典釋文·引白髮魯國記云·陳子游爲魯相·蕃子也·國人爲諱·改曰皮也·今附入支韻·

兒
廣韻、姓源韻譜、皆曰、出自吳郡、有兒生而能語、因以爲氏、音如之反、河南兒氏、後魏官氏志、代北賀兒氏、改爲兒氏、赫連勃勃有鎮東將軍兒真之、

離
出自古明目者、離婁亦曰離朱、黃帝時人、風俗通曰、漢有中庶子離常、○按·通志氏族略引·有之字·後燕有離班、

驪
驪出自姬姓之戎、在驪山者、因山以爲名、國以爲氏、○案·國上疑脫因字·晉驪戎之國是、

訾音茲·

其先齊大夫、食邑於紀之訾城、北海都昌縣西訾城是也、後人因以爲氏、晉趙簡子有家老訾祐、又唐有曹州人訾亮、與弟信、爲中官楊復恭養子、因冒其姓、更名守亮、守信、舊姓書以訾音紫、今兩存之、唐呂元膺爲京兆尹、擒賊訾嘉珍、乃賊武元衡者、宋滑州訾氏、簡生行、行生準、準生湛、字信道、宣和三年進士、又好水川之敗、監渭州羊牧隆盛、鹽酒稅內殿崇班訾贊、死之、詔贈成州團練使、

卑

謹案後漢后妃傳。熹平四年。議郎卑整。上言母以子貴之義。風俗通曰。卑氏。鄭大夫卑謚之後。

裨

左傳。鄭大夫裨謚。謀於野則獲。謀於邑則否。又裨竈能知天道。晉宣城內史桓彝。有長史裨惠。自此宣

城郡有裨氏。

諱○案廣韻平聲五支。無諱字。今依鄧氏。仍次裨後。

謚竈之氏。亦通作諱。

鄆○案。此條原本次善氏後。依廣韻移正。

謹按左傳。趙盾殺公子樂于鄆。則鄆。晉地也。必大夫食邑者為氏。

施

出自夏。諸侯有施氏。嘗以妹喜女桀者。國亡。以國為氏。周成王封伯禽於魯。分以商民七族。一曰施氏。後世無聞。唯魯國施氏。出自姬姓。惠公之子尾。字施父。生施伯。伯孫頃叔。生孝叔。始以王父字為氏。孝叔孫之恆。字子常。○按。史記作施之常。字子恆。又施子世系不詳。鄧云孝叔孫。未知何據。為孔子弟子。裔孫。漢博士讎。字長卿。又有安州刺史炎。太常博士敬本。吳興。後漢有施延。吳大司馬施績。梁施瑩。入玉臺集。

彌

三輔決錄云。漢彌升。新豐人。以所居爲氏。謹按。春秋時。瑕謂之彭。封彌子。必其氏也。

池

風俗通曰。氏於居。○按居。原本作事。據太平御覽三百六十二。廣韻十虞十四清。引風俗通改。者。城、郭、園、池、是也。

眭音雖

按前漢符節令眭孟。魯國蕃人。師古曰。息隨反。今河朔尙有此姓。音字皆然。而韋昭、應劭、並云音桂。非也。今有旻乃音桂爾。漢之決錄。又不作眭。寧可混揉將爲一族。孟十一世孫固。固孫邁。生易州刺史逸。逸生後魏七兵尙書鎮。鎮曾孫雙。生北齊國子祭酒仲讓。仲讓生滑州別駕彥通。又魏志。眭固字白兔。殺楊醜。以應袁紹。曹公破之於射犬城。事出典論。○按。典論疑當作典略。見魏志張楊傳注引。燕慕容垂有中書令眭邃。義安後魏有眭邦。馬邑有眭夸。漢陽唐考功郎中希文。

危

謹案。危氏不著于隋唐之前。唐末撫州南城人危全諷。據郡爲節度使。其弟仔昌。爲信州刺史。仔昌失郡。奔錢鏐。鏐惡其姓。改曰元氏。而全諷在撫州。後與其壻鍾正時戰于象牙潭。正時執之。而并有撫州。其族在臨川。有祕書郎傳。南城邵武有祕書丞序。著作佐郎雍。及危扶。

支離

姓解曰。莊子有支離疏。誤矣。謹按。有○案。有上。疑支離疏、支離叔、支離益、皆寓言。謂人形之不全者。未必人之姓名。

蛇工

○案。此條原本次彌牟氏後。依廣韻移正。

謹按春秋齊人滅遂。遂國在濟北。漢建爲蛇工縣。屬太山郡。受封者因以爲氏。後漢河南太守蛇工彘。生重。濟北太守。女適羊續。師古曰。蛇音移。

隨巢

漢藝文志有隨巢子六篇。注云墨翟弟子。謹按。姓書未有此氏。而當時有胡非子。隨巢子皆師墨氏。則隨巢合爲人氏。

奇斤

後魏官氏志代北有奇斤氏。改爲奇氏。

戲陽

○案。此條原本次崎工氏後。依廣韻移正。

出自衛太子蒯瞶之僕。有戲陽速者。其先以邑爲氏。

崎工

出姓苑。

訾陬 ○案此條原本次蛇工氏後依廣韻移正。

三皇時諸侯以國爲姓。帝嚳妃訾陬氏女是也。元和姓纂以爲訾氏祖。誤矣。訾陬自爲複姓。

施屠

前漢周勃擊燕。得盧綰御史大夫。施屠渾都。師古曰。姓施屠名渾都。姓書未有此氏。今增入。

斯引

西秦錄有乞伏氏與斯引氏。自漠北出陰山。

彌且

且。一作姐。後秦有將軍彌且婆觸。○案原本脫觸字。據晉載記補。彌且亭立。

彌牟

出自姬姓。衛大夫公孫彌牟之孫。或爲彌牟氏。

六脂

脂

京兆脂習。字元叔。與孔融善。每戒融剛直太過。必罹世患。及融死。許下莫敢收者。習往撫尸曰。文舉舍

我死。吾何用生爲。曹公收習。欲殺而赦之。後至中大夫。

夷

姓書云。齊大夫夷仲年之後。誤矣。齊僖公之弟年。字仲而諡夷。生公孫無知。其後絕無以夷爲氏者。謹按。周虞人箴曰。在帝夷羿。冒于原獸。晉魏絳論有窮后羿及寒浞曰。伯明后寒棄之。夷羿收之。杜氏曰。羿。夷姓。然則后羿姓夷。自虞夏間已有此姓。孔子論逸民有夷逸。孟子時有墨者夷之。皆當爲羿後也。春秋時有夷國者。楚滅之。今爲亳州城父縣。此亦非夷姓所自出也。今以虞箴左傳爲正。

師

風俗通曰。樂人瞽者之稱。自晉師曠之後。始以爲氏。漢有東海師中。作雅琴師氏八篇。

資

謹案。今蜀有資州。卽古資中地。○按。姓氏急就篇引風俗通云。資氏。黃帝之後。食采益州資中。因以爲氏。又見姓纂及廣韻。此謹案上。當有脫文。

飢

春秋左傳曰。成王封康叔于衛。分以商民七族。其一曰飢氏。○案飢。原本作饑。誤。說文。飢。饑也。穀不

姓也。史記殷本紀。文王伐飢。蓋卽書國。或以所封爲氏。

茨

疾資切。周時有茨芘。晉人又東觀記曰：茨充初舉孝廉之京師，同侶馬死，舍車持馬相迎，鄉里號曰：一馬兩車。茨子河。

尸

謹按左傳：周有尸邑，在鞏縣西南偃師城。○案：此條當有脫文。

耆音祈

伊耆之後，單爲耆氏。

伊

後魏有代北人伊毅。

弔音聶

唐百濟大臣八姓，其一曰弔氏。○按：通志氏族略云：蜀有刁達，避難改焉。廣韻：刁、作刀、弔、作劬。

追

左傳：晉大夫追喜伐鄭之役，以戈殺犬於門中，以示閒暇。

惟

吳氏千姓編曰：後魏威帝后有惟氏，謹案惟、維二字皆吳氏所增。

遺○案。此條原本次孀氏後。依廣韻移正。

姓源韻譜曰魯費宰南遺後急就章有遺餘人。案。急就章作遺失餘。此作人。誤。○按。通志氏族略。引與此同。廣韻云。急就章有遺餘。謹按周禮地

官有遺人掌委積者鄭司農音棄遺之遺必其後以官爲氏。

纍

風俗通曰螺祖之後或爲纍氏謹案左傳晉七輿大夫有纍虎。

媧

元和姓纂曰出自西陵氏女媧祖爲黃帝妃後世以媧爲氏。

夔音葵。

出自芊姓楚子熊摯有疾不可立以國授其弟別封爲夔子其後不祀祝融與鬻熊魯僖公二十六年楚滅之子孫以國爲氏石虎有太保夔安自天竺徙遼東玄孫逸姚秦司空騰仕後燕。

騶

左傳晉七輿大夫有騶猷鄧大夫有騶甥。

誰

謹按前漢丙吉傳皇曾孫賴吉得生吉謂守丞誰如皇孫不當在官使誰如遺書京兆尹遣與胡組同

送京兆尹不受。乃以歸史良娣之母。孟康曰：姓誰名如。師古曰：名誰如，非姓誰也。

夷陽

左傳：晉厲公嬖臣夷陽五殺三卻。傳曰：五亦嬖於厲公，則五姓夷陽明矣。

夷門

姓纂曰：史記處士侯嬴爲夷門抱關，卒因氏焉。夷門，大梁門也。

師宜

元和姓纂曰：後漢有南陽人師宜官，誤矣。謹按晉史：宜官姓師，非以師宜爲氏。其人乃書酒肆中爲字，得錢輒滅去者。

師延

古有師延，作箏篴者，世掌樂職，因氏焉。宋大夫有師延宜。

毗沙

百濟人姓。

鴟夷

○案：此條原本次變正氏後，依廣韻移正。

風俗通：范蠡適齊爲鴟夷子，後人以爲氏。潛夫論曰：鴟○案：通志氏族略：引同。今本潛夫論作鳩。誤。夷子出自子姓。宋微子

之後說苑曰。鷓夷子皮。齊人。卽范蠡也。

莢芘

姓苑曰。晉有莢芘仲。

祁夜

英賢傳云。祁大夫後。後漢龍驤將軍祁夜豐。

伊耆

亦作伊祁。帝堯號也。後因氏焉。禮記明堂位注。伊耆氏。古天子有天下之號也。今姓有伊耆氏者。魏孝文時。魏懷州民伊耆苟。自稱堯後。聚衆於重山作亂。洛州刺史討滅之。

伊力

南涼有前將軍伊力延侯。勸禿髮儁檀坑內叛者王鍾等五千餘人。

葵工

春秋陳留外黃縣東有葵工。大夫食其邑者。氏焉。英賢傳。古有葵工欣。石季龍將有葵工直。

古今姓氏書辯證卷四

七之

台怡音

出自墨台氏。去墨爲台。或云駘氏。後改焉。

時

齊大夫時子。與孟子同時。王嘗使留孟子。魏鉅鹿時苗爲令。留犢於官。

思

出姓苑。

其

漢功臣表有陽阿齊侯其石。案漢書。陽阿作陽河。○案。史記亦作河。惟廣韻作阿。與此同。以郎中騎從諸侯定楚。侯五百戶。生安國。

安國生午。皆嗣侯。午生共侯。章更封埤山侯。生仁。有罪。國除。

元古其字

唐魏博大將元志紹攻德州。又有元志求。五代史有元元實。案元氏。一作元。廣韻無此字。萬姓統譜歸入四支韻內。今附入之韻。

期

風俗通。楚大夫居期思城。因以爲氏。謹案春秋。楚期思公復遂之後。有去思單爲期氏。

旗

出自姜姓。齊惠公孫竈。字子雅。生纁施。字子旗。後爲子旗氏。亦或去子爲旗氏。後漢有旗況。○按廣韻。況作光。

萁其音

元和姓纂曰。河南有萁氏。案魏志。萁連氏改爲萁氏。

斬

姓苑云。斬。春秋侯。○案後漢郡國志。江夏郡有斬。春侯國。原本脫侯字。今補。之後。以國爲氏。其地今斬州是也。

詩

後漢馬援傳。薊冷縣。雒將女徵側。嫁爲朱雋人。詩索妻。諸姓書以爲交趾人。詩朱雋。誤矣。

彤而音

出自宋大夫彤班之後。宋武公伐長狄。敗之。以門賞彤班。謂之彤門。子孫居焉。漢功臣表有芒侯彤跖。生昭。昭子申。尙景帝南宮公主。皆嗣侯。

琪歟音

見姓苑。

姬

姬姓。出自黃帝生於姬水。以水爲姓。黃帝生元囂。囂生鱗極。鱗極生高辛。是爲帝嚳。嚳妃姜嫄。感巨人跡生子。以爲不祥。棄之隘巷。牛羊避不踐之。棄之山中。山人養之。棄之寒冰。鳥覆翼之。姜嫄怪之。知其爲天子。乃收養之。名之曰棄。堯知其賢才。以爲大農。命其官曰后稷。姓之曰姬。姬者。姓也。人本乎祖之義也。黃帝爲姬姓。棄復得之。所謂本乎祖也。棄爲后稷。有功。堯封之有釐。裔孫公劉。遷國於豳。古公亶父避狄。又遷於岐下。亶父生王季。歷歷生文王昌。又作邑于豐。稱西伯。其子發。革商有天下。是爲周武王。自棄至武王十五世矣。武王至赧王。又三十有八王。而秦滅姬氏。降爲庶人。或爲王氏。漢武帝求周後。得姬嘉。封周子南君。以奉文武之祀。至晉劉琨。嘗遣將軍姬澹。帥衆十萬討石勒。後周有柱國姬願。隋有東宮幸臣姬威。唐有水部郎中姬處遜。居長安。開元中。避明皇帝嫌名。改爲周氏。謹按春秋。武王克商。成王定之。大封同姓。以爲諸侯。凡五十三國。而燕鄭又在其後。故傳曰。管、蔡、郟、霍、魯、衛、毛、聃、郇、雍、曹、滕、畢、原、鄆、郇、文之昭也。邶、晉、應、韓、武之穆也。凡蔣、邢、茅、胙、祭。周公之裔也。又曰。虞、虢、焦、滑、霍、揚、韓、魏。皆姬姓。又曰。秦伯、虞仲、太王之昭也。虢仲、虢叔。王季之穆也。今取春秋三傳國語史記。編次姬姓之人。凡天子之國二。諸侯之國三十一。戎狄之國三。其爵諡字名世系。莫不備見。讀之者。如指諸掌。具載春

秋四譜及旁行圖云。

箕

出自子姓。商之季世。封其父師爲畿內諸侯。謂之箕子。其地太原陽邑縣箕城是也。武王克商。釋箕子囚。訪以洪範。而別封於朝鮮。後人以國爲氏。春秋時。晉大夫箕鄭。箕遺。漢西華令箕堪。

釐

本僖氏。漢時避諱。改爲釐。史記。凡僖皆作釐。是也。後秦有城門校尉釐豔。

狸

元和姓纂曰。八元季狸之後。以王父字爲氏。謹按。狸氏之先出於丹朱。自爲狸姓。不必八元之後。

僖

出自姬姓。曹僖公之孫負羈爲大夫。以祖諡爲族氏。又其先黃帝之子。得姓者十四人。一曰僖。後嗣至商周之際無聞。然亦姬姓後也。姓苑以曹僖爲魯僖。蓋字畫之誤。

嬉

國語。桀伐有施。有施氏以妹喜女焉。韋昭曰。嬉姓。或作喜。乃有施氏姓。

熙

出自己姓。高陽氏之後有修及熙。帝嚳使脩爲元冥。熙佐之。後世皆以爲氏。亦見英賢傳。

治

元和姓纂曰。出何氏纂文要。音遲。

蚩音緜

元和姓纂曰。蚩尤之後。以國爲氏。

慈

姓苑曰。出自高陽氏才子八人。天下謂之八元。其一蒼舒。諡慈。後世以爲氏。急就章有慈仁佗。案。王應麟急就章

補注作慈仁化。注曰。顏本作他。李本作地。謹按佛書云。彌勒最初證得慈心三昧。因號慈氏。異時祝事浮屠道者。皆以慈爲

姓。如今之稱釋氏。此乃異域之言。當存而勿論。然不著其說。則恐○案。原本恐謬可。今正。好奇者或引爲華人

姓源。故辨明之。

茲

出自姬姓。魯桓公孫曰公孫茲。其孫毋還。以王父字爲氏。

荏

姓解曰。人姓也。謹按漢地里志。東郡有荏平縣。王莽改曰功崇。應劭曰。在荏山之平地。又泰山郡有荏

縣。應劭曰。荏山在東北。師古曰。荏音仕疑切。

○案。此條原本次狸氏後。考漢書地理志。泰山郡荏縣。應劭音。師古云。又仕疑反。東郡葦平縣。師古音仕疑反。依廣韻次。

序。則音苗者。當次狸下。音仕疑反者。當次葦下。鄧氏於條末獨出師古音。其意蓋主仕疑反。故更葦氏條後。

司馬

西京雜記曰。司馬氏本周史佚後。蓋史佚當出於重黎。而休父又出於史佚。理宜然也。春秋晉大夫司馬齊。字女叔。謂之司馬叔侯。叔侯生司馬叔游。叔游裔孫司馬烏。有功于王室。司馬彌牟爲鄆大夫。至漢。司馬遷自其父談。世爲太史公。位次丞相。蜀人司馬相如。以文章顯。魏大將軍司馬宣王懿。字仲達。生文王師。師生武王炎。代魏命。是爲晉武帝。事具太史公自序及東西晉史。隋唐間。舊定河內五姓。以司馬氏爲一門。貞觀中。定懷州河內七姓。其一司馬氏。

司城

出自子姓。宋武公名司空。國人避諱。改其官爲司城。其公族大夫樂喜。字子罕。生祈。字子梁。子梁生溷。字子潞。○案。當云子梁生溷。字子明。子明生苀。字子潞。此子潞上似脫七字。世爲司城。以官氏。

司空

帝王世紀曰。禹爲堯司空。子孫氏焉。晉大夫有司空靖。唐有司空圖。司空曙。圖字表聖。以御史歸隱中條山。時相盧攜寄詩曰。姓氏司空貴。官班御史崇。

司寇

風俗通云。蘇忿生爲周武王司寇。支孫氏焉。

司鴻

風俗通。古有司鴻。苟著書。漢有諫大夫司鴻儀。

期思

謹按漢地里志。汝南郡期思縣。故蔣國也。春秋時。地入於楚。楚僭王號。其縣尹皆稱公。故大夫復遂食邑期思。號期思公。因以爲氏。

萁連

北齊萁連猛傳曰。其先姬氏。因避亂居塞外祁連山。以山爲姓。祁音時。蕃語訛。故號萁連。猶中國言天蓋天山也。元和姓纂曰。代北人號萁連部。因以爲姓。

釐子

世本曰。出自釐子觀起之後。楚大夫有釐子班。

淄工

淄一作菑。其先以所食邑爲氏。英賢傳。齊勇士菑工訢。

茲母

元和姓纂曰。漢御史茲母常。出齊大夫茲毋。還後誤矣。茲毋。還魯人也。

八微

賁

肥音

又墳肥奔三音。○按肥字疑誤。

沂相

英賢傳曰。魯沂大夫爲相。因氏焉。漢侍御史沂相封。

九魚

漁陽

燕大夫受封漁陽。以地爲氏。漢有少府漁陽鴻。

十虞

廚人

元和姓纂曰。周官廚人。因官爲氏。宋有廚人濮。見釋例。誤矣。周官無廚人。濮乃宋廚人名。或廚邑之人名。濮。

謹按春秋婁音閭。

十一模

瓠音
壺。

莊子有瓠巴鼓瑟而游魚出聽。

孤竹

元和姓纂曰。遼西竹氏。出自孤竹君。本姜姓。成湯封之遼西。今支縣竹城是也。裔孫伯夷、叔齊、辭國。餓死首陽山。子孫以國爲孤竹氏。亦單稱竹氏。謹按後漢書夜郎竹。初有女子浣於遼水。有三節大竹。流入足間。聞其中有號聲。剖竹視之。得一男兒。歸而養之。及長。有才武。自立爲夜郎侯。以竹爲姓。武帝元鼎六年。南夷爲牂柯郡。夜郎侯迎降。天子賜其王印綬。後遂殺之。夷獠咸以竹王非血氣所生。甚重之。求爲立後。牂柯太守吳霸以聞。天子乃封其三子爲侯。死配食其父。今夜郎縣有竹王三郎神。是也。

徒人

元和姓纂曰。左傳。齊有徒人費。國語有徒人回。誤矣。費等皆徒人之以名見者。古無徒人氏。

徒何

後周柱國太尉李弼。賜姓曰徒何氏。

菟裘

史記秦嬴之後分封以國爲姓有菟裘氏春秋時菟裘爲魯邑。

菟賴

官氏志菟賴氏一曰菟賴氏後改爲河南就氏。

十二齊

齊

晉有武邑侯齊炎八世孫抗字遐舉唐德宗宰相又瀛州齊氏有珣生映亦相德宗唐宰相世系表全用其說止除齊惡豹明兒三人隋唐間有是光父者自稱齊姜姓後改復舊爲齊氏事見孔至雜錄今詳三說皆誤謹按春秋姬姓衛昭伯長子諡曰齊子蓋戴公申文公燬之兄也齊子之孫惡始以祖諡爲齊氏惡孫豹爲衛司隸大夫以殺孟軻罪爲衛所逐春秋書之曰盜裔孫明仕韓又仕東周以姓見於戰國策則平恭侯受乃明之孫當齊惡得諡時姜姓齊爲大國未有田和篡取之事豈得以國爲姓姓書自應劭何承天以來相承一誤如齊晉秦楚不考其由皆謂之氏於國者故姓纂唐表恥齊豹盜臣之名喜太公大賢之後鑿空傳會皆以齊氏爲出姜姓而氏於國不曰出姬姓而氏於國後人因循訛謬遂失其本不可以不辯正昔顏師古注睦孟傳曰近世私譜之文出於閭巷家自爲說事非經典

苟引先賢，妄相假託，無所取信，善乎顏氏之知言也。

隄音

何氏纂文要曰：古隄字。

提

左傳：趙宣子車右提彌明，搏斃而殺之。姓書未收，今增入。

奚

出自任姓。夏車正奚仲之後，以王父字爲氏。孔子弟子奚容蒧，字子皙。

案：孔子弟子奚容子蒧，字子皙，一作子楷，詳此。則當爲奚容氏。

蒧，誤作蒧。又成陽定侯奚意，生嗣侯信。元康四年，詔復其曾孫陽陵公乘通。河南奚氏，達奚氏改焉。

郟音

出自曹姓。邾武公封次子於郟，是爲小邾。其地東海郡郟城是也。春秋時，小邾穆公之子甲，仕宋，又奔

鄭，始以國氏，謂之郟甲。

兒音

師古曰：音五奚反。後魏漢九真太守兒式。

犀○案：此條原本次梯氏後，依廣韻移正。

出自戰國時。魏將犀武之後。元和姓纂曰。秦有犀首。邵氏曰。姓書元有此氏。不敢削之。皆誤矣。謹按莊子音義曰。犀首。魏官名。若今虎牙將軍。公孫衍嘗爲此官。非以犀爲氏。今以犀武爲正。

梯

晉書載記。西秦建威將軍梯君。破彭利和於瀕川。姓書未收。今增入。

泥

世本。宋大夫泥卑之後。○按泥卑。通志氏族略引作卑泥。

鮭音圭

元和姓纂曰。中山鮭氏。後漢有博士鮭陽鴻。修孟氏易。誤矣。謹按後漢儒林傳注曰。姓鮭陽。名鴻。鮭音胡瓦反。其字從角。或從魚。音。胡佳反。然則鮭無單姓者。

洼音圭

南陽清陽洼氏。漢有大鴻臚氏洼丹。字子玉。作易論。易家宗之。稱爲大儒。

畦

晉書載記。後燕慕容寶時。魏伐并州。寶引羣臣議於東宮。中書令畦邃。請深溝高壘。以困魏師。音義。戶圭反。姓書未收。今增入。

蜀音

梁四公子其一曰蜀闔

壽音

出姓解

聖音

姓苑曰聖戶圭反

倭音

見姓苑案字典廣韻俱不載此字疑卽鄭氏之誤今附入齊韻

西周

元和姓纂曰周末分爲東西二周各以爲氏武公世○案廣韻作庶子廣子廣稱爲西周氏

西郭

英賢傳云齊隱者居西郭氏焉漢有謁者僕射西郭嵩晉有祕書郎西郭陽何承天以爲中朝名士

西方

五代史定州蒲城人西方再遇爲州校生鄴後唐寧江軍節度使按五代西方再遇爲州軍校此作州校誤

西河

後漢馬援傳有西河子輿相馬法。則子輿姓西河。而姓書遺佚未收。今增入。

西乞

元和姓纂曰。秦將軍百里術。字西乞。其孫以王父字爲氏。

西陵

古侯國也。黃帝娶西陵女爲妃。號曰嫫祖。元和姓纂曰。世本春秋時有大夫西陵羔。

西樓

出自妘姓。夏後杞東樓公之子曰西樓公。子孫以號爲氏。

西門

唐末宦者西門重遂。西門正範。西門思恭。皆爲樞密中尉。

西宮

姓苑。元和姓纂。皆未詳。謹按左傳。鄭盜攻執政于西宮之朝。鄭人討西宮之難。則西宮執政所居。以別於太子之東宮。而後世氏焉。

西王

新序子夏曰禹學於西王國。

西鄉

風俗通曰宋大夫西鄉錯之後尸子有隱者西鄉曹。

西都

出王符潛夫論。

西閭

說苑有西閭過。

西素

出傅餘願複姓錄。

奚計盧

河南官氏志奚計○案今本官氏志計作斗盧氏改爲索盧氏。

